

अध्याय

12



0335CH12

जो बरा आर माइला रेयाक् जिमा हातावमे ह

दिसोम फारचा माहौ





गालमारावमे

- चिताररे गिदराको आर माचेत चेत्को चेकायेदा?
- ओनको दो पार्क चेदाक्को साफायेदा?
- चेका आमदो जाहाँतिस आमाक् इस्कूल से इस्कूल आडेपासेरे जोबरा रेयाक् जारवाम जेलाकात्आ?
- चेका जाहाँतिस नोआम हुदिसाकात्आ जे नोआ जोबरा चेकाते जानामोक् काना?



कामी-कसनी

1

- गोटा दिनरे आम आर आपेरेन हाडाम-बुडही होड जाहाँय दो आयमा लेकान कामी-कसनीको कामीयेदा, ओनको दिसाकोम। नोआको कामी-कसनीते बेकार जिनिस चेकाते जानामोक् काना? मुचात्तरे ओना बेकार जिनिसबोन चेकायेदा?
- आमाक् जोथाततेत् आमाक् केलसरेन गातेको लाइयाकोमे।



माचेतको लागि बाडायजोडाक्

गिदराको जोबरा जानामोक् रेयाक् थोडा पारतुल दिसा ओचोकोम, जेलेका- पेकैट रेयाक् जिनिस, जोम जिनिस हातावकाते इदीय, प्लास्टिक आर साजाव जिनिस।



बेकार जिनिस चेकाते जानामोक् काना?

आबोवाक् दिनाम हिलोक् रेयाक् कामी-कासनीते आयमा लेकान बेकार जिनिस जानामोक् काना। आबो दो मारे किचरीच्, डिब्बा, बोतोल, कागोज, उतु आर फोल-डोल रेयाक् छिलका, प्लास्टिक रेयाक् रैपर, पेंसिल रेयाक् कुटरा, मारे बैटरी आर आयमा एटाक् जिनिसबोन बेरबादेत् काना।

आबो दो जोबरा गिडीकाक् लागित्बोन कुरुमुटूयेदा, मेनखान जाहाँतिनरे आबोबोन जेला जे नोआ दो जोबरा तालारे आत्एनगे। नोआको दो जोबरा रेयाक् जारवाकाना, जाहाँको दो आम आपे ओडाक्, इस्कूल बाडखान आडेपासेको रेम जेलेत्काना।



आमदो नोआ बाबोतते चेत्लेकाम बुजहावा?

चेका आमेम हुदिसेदा आबो नोआ बाबोत जाहाँनाक्बोन चेका दाड़ेयाक्आ?

बेकार जिनिस रेयाक् बोन्दोबोस

आबो दो बेकार जिनिस रेयाक् बोन्दोबोस चेद होयोक् ताबोना। जोबरा रेयाक् बोन्दोबोस आबोवाक् आपनार तीरे मेनाक्आ। आबो मिमित् होड़ जोबरा रेयाक् बोन्दोबोस चेद होयोक् ताबोना। आबो ओनको होड़ आर जायगा खोनबोन चेत दाड़ेयाक्आ जाहाँय आकोवाक् जोबरा नापाय तेको बोन्दोबोसेत् काना।

देलाबोन जेलकोआ ओनको चेतको कामीया आर चेत्लेकाको कामीया!




बेकार जिनिस बोन्दोबोस रेयाक् होरा

जावगे रोड धारेरे, ओडाक् आर राचाठेन माइला आर जोबराकोम जामा। गांय आर एटाक् जानवार जोमाक् साँव प्लास्टिकको जोम लेखानको गोच् दाडयाक्आ। जाहाँय दो प्लास्टिकको जेरेदा ओना खोन दो आडी खाक्तियाक् गैस ओडोकोक्आ।

आपनार आडे-पासेरे फायलावाकान माइला आर जोबराते होड दो हासोक्को एहोबा। रोडरे गाढलाक् आर बेकार दाक् आतुक्बोन जेल दाडयाक्आ। नोआते सिंकडीचको बाडतीक्आ। ओनको गेरते रूवा हासो होय दाडयाक्आ। बेकार दाक्रे नोडकान तेजोको होय दाडयाक्आ। जाहाँ दो एटाक् रोग रेयाक् कारोन बेनावोक्आ।

मेनखान जाहाँ जायगाको रे दो होड आकोवाक् ओडाक् आर आडे-पासे साफा दोहोय लागित् आडीको कुरुमुटूवाकादा। आबो नोआको हुडिज हाटिजते बोन चेदा ओनको दो नोआ चेकाकातेको कामीया।



कामी-कासनी

2

आमाक् आडे-पासे जेलमे।



गालमारावमे

- आमाक् इस्कूल आडे-पासे तिनाक् साफा मेनाक्आ?
- चेका आमाक् केलासरे, बाहरे बाडखान इस्कूल रेयाक् टण्डीरे जोबराको से माइलाकोम जामेदा?





चितार बेनावमे

जाहाँ टोठा रेयाक् चितार बेनावमे बाडखान पेस्टमे। ओनको जायगा पाछनावमे जाहाँरे जोबरा, बेकार दाक् से धुआँ मेनाक्आ, ओनाको आराक् रोडते घेरावमे। नोआ बाडाय लागित् कुरुमुटूयमे जे ओण्डे जोबरा चेकाते हेच्एना।

जुदी आम नोडकान टोठारेम ताहेंनकाना जाहाँरे जोबरारेयाक् बेबोस्ता मोंजते होयोक्काना, तोबे आमरेन लाटु होड़ कुलीकोम नोआ दो चेकाते होयोक्काना। केलासरे आसोलकाथा लाइमे।

नित दो ओनकान होड़ाक्बोन गालमारावा जाहाँय दो जोबरा रेयाक् मोंजतेको बेबोस्तायेदा।

कोममे

आयमा होड़ जोबरा कोम ओचोय लागित् रैपर से प्लास्टिक बोतोलरे पैक आकान जोम जिनिस आर जुं जिनिस बाडको बेवहारा आर प्लास्टिक थाइलाक् बोदोल किचरीच् रेयाक् थाइलाक्को बेवहारा।



चेका जाहाँतिस नोडका लागित्एम कुरुमुटूवाकादा?

आपनाराक् जोबरा कोम दो पाहिल मोहोतानाक् कामी काना नोआ ओनकोको पालोनेदा।



कामी-कासनी

3

आमदो बेकार जिनिस कोम ओचोय लागित् चेत्लेकाम गोड़ो दाड़ेयाक्आ?



आमाक् मारे खेलावना आर पुथी ओनको एमाकोम जाहाँय ओना लागतीवाकोआ आर जाहाँय ओना बाडको किरीज दाडैयाक् काना। नोडका काते आमदो फारच अभियानरे गोडोम एमदाडैयाक्आ।



आरहो चेतलेकाकाते आमदो गोडोयेम एमदाडैयाक्आ?


आबो जाहाँतिनाक् जिनिसबोन किरीजा, उनाक्गे बाडती आबो ओनाबोन गिडीकाक्आ आर उनाक्गे बाडती आबो जोबरा आर माइलाबोन जानामेदा। आबोदो नोआ कुरुमुटू लागतीकान ताबोना जे आपनाराक् लागतीयानाक् हिसाबते जिनिसबोन किरीज आर ओना उन हाबिचबोन बेवहार, जोखोन हाबिच् ओना आर बेवहार बाड होय दाडैयाक्।

आबो कोम-खोन-कोम बेकार जिनिस गिडी लागित् कुरुमुटू होयोक् ताबोना।

बेवहार आरोयमे

दोसार काथा दो नोआ काना जाहाँदो आयमा होडको कमीयेदा ओनादो नोआ काना जिनिसको गिडी बाडकाते ओना जिनिस आरहोको बेवहार आरोयेदा। आबोरेन गोडोमबा-बुडीगो मारे किचरीच् बाडको गिडीकाक्कान ताहेना। ओनको दो मारे साडीते रेयाड जोखेन उयुक्आक् (रजाई) आर मारे किचरीच्ते थाइलाक्को बेनावेत् ताहेना। जाहाँतिनको रे मा मारे किचरीच् ओनकोको एमावाकोआ जाहाँय ओना लागतीवाकोआ।

उपहार लाटुम लागित् मारे खोबोर कागोज से मारे किचरीच् रेयाक् बेवहार मित् पर्यावरण-अनुकूल हेवा काना, ओनाते दो बेकार जिनिसको कोमोक्आ आर जिनिसको हो बाञ्चावोक्आ। ओनाको जिनिस बेक्नाव लागित् बेवहारकाते, आबोदो एकेन



जोबरा दो बाडबोन कोमा, बिचकोम आबोवाक् उपहाररे मित् आपनाराक् जोटेत् होंबोन जोड़ावाक् काना।



कामी-कासनी


4

बेकार जिनिसको कोम ओचोय लागित् जिनिसको आरोते बेवहार चेत्लेका काते होय दाड़ेयाक्आ?

आम जाहाँन काचा कामी लागित् मित् नाखा खोन बेवहार होय आकान कागोजरेयाक् दोहड़ातेम बेवहार दाड़ेयाक्आ। दाक् रेयाक् बोतोल किरीज बाडकाते स्टील से ताँबा रेयाक् बोतोलरे आरहों दाक् पेरेच्काते ओना दोहड़ाते बेवहारमे।

मारे खोबोर कागोज, मारे कैलेंडर, बोतोल, बाकसा एमान जिनिस बेवहारकाते खेलावना से साजावाक् जिनिसमे बनाव दाड़ेयाक्आ। नोण्डे नोडकागे होरा मेनाक्आ। आम थोड़ागान खोबोर कागोज लागतीयामा। कापची बाड! गोंद बाड! एकेन कागोज!

बेकार जिनिस बेवहारकाते नोडकान जाहाँन जिनिस बनावमे, जेमोन ओनादो आम जाहाँय उपहाररेम एमदाड़ेयाको।



कागोज थाइलाक् बनाव रेयाक् होरा

माचेतको लागित् बाडायजोडाक्

खोबोर कागोज आर एटाक् जिनिस बेवहारकाते आयमा जिनिसमे बनाव दाड़ेयाक्आ।

Refer to <http://arvindguptatoys.com/> for ideas.





कामी-कासनी

5

बेकार जिनिस बेवहारकाते नोडकान जिनिस बेनावमे जेमोन ओना जाहाँय उपहारेम एम दाडैयाको।

उनीयाक् उपकार मानावमे!

आमदो उनी होडाक् उपकारेम मानाव दाडैयाक् आ जाहाँय दो ओना टोठा से ओडाक् साफाय लगित् ए गोडाक् काना। ओनको लाइयाकोमे जे आमदो नोआ लगित् एम बेनावाकादा जेमोन बेरबादी आर ओनकोवाक् कामी रेयाक् बोजहा कोम होय दाडैयाक्। ओनको 'आयमा सारहाव' मेन आलोम हिडी जा।

गोरोब रेयाक् जायगा

लाताररे एमाकान आयमा आतो आर नागराहारे सानामसेन जोबरा आर माइला फायलावाकान ताहेना। मेनखान नित दो ओना पासेच् दिसोम रेयाक् सानाम खोन साफा जायगा मुद रेयाक् टोठा काना। नोआको जायगारेन होड आको आडेपासे चेकातेको बोदोल केदा?



देला, तेहेज दो अरूणाचल प्रदेश रेयाक्
सिल्लुक आतो तेबोन चालावोक्आ। जोखेनगे
आबो आतोतेबोन बोलोक्आ, साफा-सुथरा
सोड़ोक्बोन जेलजामा। सोड़ोक् धारे, कोना से
एटाक् जायगाकोरे हों जाहाँन जोबरा से
माइलाको बानुक्आ। दारेकोते साजावाकान
सोड़ोक् नोडका बुजहावोक्आ जे आबो जाहाँन
बागानरेबोन दाँडाँन काना! नोआ आतो दो
आकोवाक् बेकार जिनिस से माइलाको मोंज
बेबोस्ताय लागित् नापाय होरा आपानाव रेयाक्
सिरोपा जाम होयाकाना। नोआ दो 'जीरो
बेकार जिनिस आतो' को मेतावाक्आ।

सिल्लुक लेकागे आबो दिसोम रेयाक्
आयमा आतो जाहाँको दो बेकार जिनिस
बेबोस्ताय लागित् मित् नामूनाको उदुक्एदा।
छोटा नरेना दो सानाम खोन लाहा माइला
आर जोबरा खोन साफा बेनावेन आतो काना।

इंदौर आर मैसूर लेकान आयमा
नागराहा साफा नागराहा रेयाक् जायगारे तैगोन
लागित् तेयाराकाना।




तोलासमे

- आपे ओड़ाकरेन लाटु होड़ कुलीकोम चेका ओनको जाहाँन नोडका आतो, कस्बा से नागराहाको बाडाया जाहाँटाक् दो आयाक् साफा-साफी लागित् बाडायोक्आ। आपनार केलासरे आमरेन लाटु होड़ठेन खोन चेतआकात् बानाडायेम लाइ दाड़ेयाक्आ।
- आमरेन गो-बाबा से माचेत खोन 'स्वच्छ भारत मिशन' बाबोत बाडायमे।



आयमा लेकान जोबरा बेगारमे

जुदी आम हान्ते-न्हातेम कोयोगा, तोबे बार रोड रेयाक् कूड़ादानेम जेलजामा। नोआको दो आमाक् इस्कूल, आडेपासे रेयाक् बाजार, पार्क, बस स्टैंड, रेलवे प्लेटफॉर्म से जाहाँन मेलारे हों होय दाड़ेयाक्आ। नोआ बारलेकान कूड़ादान चेदाक् बेवहारोक् काना? मा लाहासेनबोन पाड़हावा आरबोन बुजहावा ओना कूड़ादानरे दो चेतको गिडी होयोक्आ।



हारयाड़ रोड रेयाक् कूड़ादानरे दो रोहोड़ साकाम से डार, फोल-डोल रेयाक् छिलका, उतु रेयाक् बेकार जिनिस से बेले रेयाक् छिलका एमान। नोआको जिनिस आलगाते सेंयाकाते हासारे मिलावोक्आ। हारयाड़ रोड रेयाक् कूड़ादानरे मेनाक् माइला दो हासारे मिलाउ होय दाड़ेयाक्आ, ओण्डे दो दारे आर हासारे ताहेन हुडिज जानवारको लागित् खाद जोमाकरे बोनोदोलेन गो।

लील कूड़ादान रेयाक् बेवहार धातु, काँच, प्लास्टिक आर कागोजते बेनावाकान जिनिस लागित् होयोक्आ। गिडीयाकात् धातु, काँच, प्लास्टिक से कागोज लेकान जिनिसते नावाँ जिनिस बेनाव दाड़ेयाक्आ। नोआ दो 'रिसायक्लिंग' को मेतावाक्आ। जाहाँन आतोको रेदो नोआको जिनिस लागित् बेगार-बेगार डिब्बा ताहेना जेमोन ओना रिसायक्लिंग लागित् बेगार-बेगार जायगाते कोल आलगा होयोक्। जाहाँको आतो आर कस्बा



आकोवाक् जोबराको बेगार-बेगार काते ओनाको रिसायक्लिंग एदा, ओनको दो आको आडेपासे साफा-सुथरा दोहोय लागित् खेमोतावानको होयोक्काना। ओनको दो फोलाफोलवानाक्को बेबोस्ता दाड्याक्आ।





कामी-कासनी

6

आमाक् जोबराको बेगारमे

लाताररे बारया कूड़ादान बेनावाकाना। बनाररे गिडीय लागित् बेकार जिनिस आर जोबरा रेयाक् जुतुम ओलमे।

प्लास्टिक रेयाक् बोतोल, साकाम, प्याज रेयाक् छिलका, बिजली रेयाक् बल्ब, सैयावाकान फोल-डोल, कागोज, बेले रेयाक् छिलका, तोवा रेयाक् प्लास्टिक पैकेट, किचरीच्।



आबो मुदखोन सानाम होड आपनार ओडाक्, आडेपासे, इस्कुल, नागराहा आर दिसोम साफा-साफी दोहोय लागित्को गोडो दाड्याक्आ।

माचेतको लागित् बाडायजोडाक्

आम नोआ कामी-कासनी रेयाक् बेवहार नोआ बुजहाउ ओचो लागित् होंम दाड्याक्आ जे चोइलो से खाक्तियाक् जिनिस जेलेका- रापुत् काँच, सुई एमान जिनिसको दो किचरीच् बाडखान कागोज रे लाटुमकाते गिडी लागतीकाना, जेमोन साफा कामी होडको ओना लाडचाड जोखान जाहाँन लोकसान बाड होयोक् ताको।





ओलमे

- आपनार ओडाक् आर केलास साफा दोहोय लागित् आम जाहाँनाक्कोम चेका दाडेयाक्आ ओना रेयाक् लिस्टी बेनावमे।

इज दो इजाक् काँदहा साफाज दोहो दाडेयाक्आ।

- आपनार इस्कूल से आडेपासे साफाय लागित् बेवहारोक् सापाप्को रेयाक् लिस्टी बेनावमे।
- चेका आमदो जाहाँतिस आपे ओडाक् साफाय लागित् बेवहारोक्कान सापाप्को धेयानतेम जेलाकात्आ? नोआ सापाप्को रेयाक् लिस्टी बेनावमे।



चितार बेनावमे

लाताररे एमाकान बाकसारे नोआ सापाप्को रेयाक् चितार बेनावमे।



आपनार आडेपासे साफाबोन दोहोया

जोखोन आपे दिसोम फारचा माहाँ (30 जनवरी) पे मानावा, उन जोखेन आपे आपनार आर आडेपासे साफा दोहोय लागित् गोटायेपे। नोआ दिसा दोहोयेपे आडी बाडती जोबरा आलोपे जारवा ओचोया, ओनारेयाक् बेबोस्तायेपे आर माइला से जोबराको ठीक जायगारे गिडीयेपे, जेमोन साफा आर हरयाड दुनिया बेनाव दाडेयाक्।

आबोवाक् जोस दो होयोक् लागतीकाना आलोम कुसीयाक्आ, आलोम नोस्टोया।



माबोन तोलासा

क. गालमारावमे

1. बेकार जिनिस चेकाते बेनावोक्आ?
2. आबो दो बेकार जिनिस से जोबरा चेकाकातेबोन बेबोस्ता दाड़ेयाक्आ?

ख. ओलमे

1. प्लास्टिक रेयाक् थाइलाक् आर बोतोल बेवहार खोन बाञ्चावोक् लागित् आपनार ओड़ाक् आर इस्कुल गाहिरते जेलमे। प्लास्टिक जिनिस रेयाक् लिस्टी बेनावमे आर ओलमे नोआ एटाक् राखी जोगाव जिनिसरे चेकाकाते राखी जोगाव जिनिसरे बोदोल होय दाड़ेयाक्आ।
2. आमाक् इस्कुल आर ओड़ाक्रे पेया नोडकान जिनिस रेयाक् जुतुम लाइमे जाहाँटाक् दो हारयाड़ रोड रेयाक् कूड़ादानरेम गिडीया आर पेया नोडकान जिनिस रेयाक् जुतुम लाइमे जाहाँटाक् दो लील रोड रेयाक् कूड़ादानरेम गिडीया।

ग. आमाक् नोटबुकरे चितार बेनावमे

1. जाहाँन आतो से कस्बा रेयाक् मित्तेन पोस्टर बेनावमे जाहाँरे दो आकोवाक् जोबरा से माइला नापायते बेबोस्ता होयोक् काना। आमाक् पोस्टररे गानोक् जुतुम लागावमे।



घ. जुडी पुराउमे

आम साफा नागराहाम होय दाड्याक्आ आर आमरेन गाते मित् माइला नागराहाय होय दाड्याक्आ। हुडिज गालमारावरे सेलेदोक्मे आर नोआ बाबोत गालमारावमे जे आम चेत् जाहाँलेकानाम, ओना बाबोत आमदो चेत्लेकाम बुजहावेदा।

ड. हुदिसमे, तोलासमे आर लाइमे

1. हुदिसमे जे आमदो आमाक् ओडाक्रे जानाम दिन रेयाक् पार्टीम मानावेदा। ओकाटाक् होराते आमदो जीरो-बेकार जिनिस जानाम दिन रेयाक् पार्टीम मानाव दाड्याक्आ? ओना लागित्, सानाम खोन लाहा नोआ हुदिसमे जे जानाम दिन पार्टीर ओकालेकानाक् ज़ोबरा जारवा होय दाड्याक्आ आर आमदो ओना चेकाकाते बाम होय ओचो दाड्याक्आ से कोमेम होय ओचो दाड्याक्आ।
2. चेका आमदो सिरजोनरे ज़ोबराम जेलाकादा? आमदोम हुदिसेदा बिररे जानवारकोवाक् बेकार जिनिस, रोहोड साकाम एमानतेयाक्को रेयाक् दो चेत् होयोक् काना?



© NCERT
not to be republished

© NCERT
not to be republished